

हत्थवनगल्लविहार वंसो

॥नमो तस्स भगवतो अरहतो सम्मासम्बुद्धस्स ॥

१. स्नेहुत्तराय हदया मलमल्लिकाय,
पज्जालितो मतिदसाय जिनप्पदीपो ।
मोहण्धकारमखिलं मम नीहरन्तो,
निच्चं विभावयतु चारु पदत्थरासिं ॥

२. लङ्काभिसित्तवसुधाधिपतीसु राजा,
यो बोधिसत्तगुणवा सिरिसङ्खबोधि ।
तस्सातिचारु चरिया रचनामुखेन,
वक्कामि हत्थवनगल्लविहार वंसं ॥

३. ब्रह्मन्वयेननुगतत्थमनोमदस्सी,
ख्यातेन सब्बयतिराजधुरण्धरेन ।
व्यापारितोहमितिभानुगतं कथञ्च,
निस्साय पुब्बलिखितंविध वायमामि ॥

४. अण्णं सुगतागमसुधापगानिद्धोतकुदिट्ठिविसकलङ्काय लंकाय भगवतो अङ्गीरसस्समहानागवनुय्याने
समितिसमागतयक्ख रक्खसलोकविजयापदानस्स सिद्धक्खेन्तभूतो सीहळमहीमण्डलमण्डनाय मानो
विविधरतनाकरोपलक्खमानमहग्घमणि भेदो मणि भेदो नाम जनपदो ।

५. लब्धान सत्थु वरणङ्कमनञ्जलब्भ,
मानण्दिना सुमनकूटसिलुच्चयेन ।
उस्सापिता विजयकेतुमतल्लिकेव,
सुद्धोरुवालुकनदी यमलङ्करोति ॥

६. लङ्काय यक्खगणनीहरणे जिनस्स,
चम्मासनुगगनहुनासनफस्सदाहा ।
संसाररक्खसवपुब्भवबुब्बुलंच,
यस्मिं विहाति महियङ्गण थूपराजा ॥

७. सदामहोघाय महापगाय,
पानीयपानाय समोसटानं ।
समुच्चयो सारदवारिदानं,
नूनं गतो थावरथूपरूपं ॥

८. तस्सापगाय विमलम्बुनि दिस्समान,
मालोलविचितरलं पटिबिम्बरूपं ।
भोगेहि वेठिय निजं भवनं फणीहि,
पूजत्थिकेहि विय राजति नीयमानं ॥

९. तस्स महियङ्गण महा विहारस्स परियन्तगामके सेलाभयो नाम खत्तियो पटिवसन्तो पुत्तं पटिलभित्वा अङ्गलक्खणपाठकानं दस्सेसि ते तस्स कुमारस्स अङ्गलक्खणानि ओलोकेत्वा “अयं कुमारो खमकसत्तो नहोति । धञ्जपुञ्जलक्खणसम्पन्नो, सकलम्पि सीहळदीपं एकच्छत्तं करित्वा महन्तमहन्तानि अच्छरियम्भुतानि महावीरचरितानि दस्सेस्सती”ति व्याकरिंसु ।

१०. ततो सेलाभय खत्तियो पुत्तस्स अभिसेकादिसम्पत्तिं सुत्वा कोटिप्पत्तपमोदपरवसोपि तस्मिं काले अनुराधपुरे रज्जं कारयता “वोहारतस्समहाराजतो कदाचि केचि उपद्वो जायिस्सतीति । जातपरिसङ्कोतं कुमारमादाय महियङ्गणमहाविहारे बोधि अङ्गणे परित्तग्गे सन्निपतितस्स नन्दमहाथेरपमुखस्स महाभिक्षुसङ्घस्स मज्झे निपज्जापेत्वा “एसो मे भन्ते कुमारो महासङ्घस्स च महा बोधिपादस्स च सरणं गच्छति तं सब्बेपि भदन्ता रक्खन्तु सङ्घबोधि नामको चायं होतु”ति महासङ्घस्स च बोधि देवताय च निव्यादेत्वा पटिजगन्तो कुमारस्स सत्तवस्सिक काले कालमकासि ।

११. अथ मातुलो नन्दमहाथेरो कुमारकं विहारमानेत्वा पटिजगन्तो तेपिटकं बुद्धवचनं उगण्हापेत्वा बाहिरसत्थेसु च परमकोचिदं कारेसि । सङ्घबोधिकुमारोपि कताधिकारत्ता तिक्खपञ्जत्ता च आणविज्जाणसम्पन्नो हुत्वा वयप्पत्तो लोकस्स लोचनेहिनिपियमानाय रूपसम्पत्तिया सवज्जलिपुटेहि अस्सादियमानसदाचारगुण सम्पत्तिया च पत्थ ट यसोघोसो अहोसि ।

१२. किमिह बहुना?— कादम्बिनी कदम्बतो सिनिद्धनीलायतगुणंधम्मिल्लकलापे, परिपुण्णहरिणङ्कमण्डलतो हिलादकरपसादसोम्मगुणं मुखमण्डले चामीकरपिंजरकम्बुवरतो मेदुरोदारबन्धुरभावं गीवावयवे, कल्याणसिलुच्चयतो संहत विलासं उरत्थले, सुरसाधिसाखतो पीवरायतललितरूपं कामदानपदानद्व बाहुयुगळे, समदगण्धसिन्धुरतो गमनलीळं कराकारद्व हत्थियुगळे, चारुतरथरुचिरोचमानचामीकरमुकुरतो तदाकारं सजाणुमण्डले जङ्घयुगळे, निच्चा सीनकमला कमलतो रत्तकोमळदलसिरं चरणयुगळे आदाय योजयता पारमिताधम्मसिप्पिता निम्मितस्स परमदस्सनीयगरूपविलासस्स तस्स अत्तभावस्स संवण्णनागन्थगारवमावहति ।

१३. देहे सुलक्खणयुते नवयोब्बनड्ढे,
तस्सुज्जले च पसमाहरणोदयेन ।
का वण्णना कमलरूपिनि जातरूपे,
लोकुत्तरं परिमलं परितो वहन्ते ॥

१४. दोसारयो हृदयदुग्गपुरे विजित्वा,
तत्थाभिसिच्च सुहदं विय धम्मभूषं ।
अत्थानुसासनिमिमस्स वदं गिराय,
तत्थप्पवत्तयि सुधी निजकायकम्मं ॥

इति राजकुमारुप्पत्ति परिच्छेदो पठमो ।

१५. अथेकदा मातुलमहाथेरा वयप्पत्तं सिरिसङ्खबोधि कुमारं धम्मसवनावसाने आमन्तेत्वा एवमाह, “कुमार! महाभागधेय्य! इदानी त्वमसि अधीतसुगतागमो, विदितसकल बाहिरसत्थो । चतुब्बिधपण्डिच्चकोटिप्पत्तो, तथापि अभिमानधने खत्तियकुले जाति, सब्बपत्थव्यापिता योब्बनविलासेन समलङ्कृतं सरीरं, अप्पटिमा रूपसिरि, अमानुसं बलज्जेति महतीय बलवनण्थ परम्परा’सब्बाअविनयान मेकेकम्पि तेसमायतनं किमुत समवायो? “येभ्य्येन सत्थसलिल विक्खालनाति निम्मलापि कालुसियमुपयानि बुद्धी, अनुज्झितधवलतापि सरागाएव भवति नवयोब्बनगब्बितानं दिट्ठि, अपहरति च वातमण्डलि केव सुक्खपण्णं उबभुतरजो भन्ति अतिदूरमत्तनो इच्छाय योब्बनसमये पुरिसं पकति । इण्ड्रियभरिणभारिनी सत्तमतिदुरन्ताय मुपभोगमिगतणहिका तस्मा अयमेवानस्सादित विसय रसस्स ते कालो गुरुपदेसस्स । मदनसरप्पभारजज्जरिते हृदये जलमिव गलति गुरूनमनुस्सानं अकारणंछवति दुप्पकति नो कुलंवा सुतं वा मनयस्स वण्दनप्पभवोनदहति किं दहनो? किंवापसमहेतुनापि नातिवण्डतरो भवति वडबानळो सलिलेन, तस्मा गाळहतर मनुसासीतब्बोसि ।

१६. अपगतमले हि मनसि एलिकमणिमिह विय रजिनिकरमयुखापविसन्ति, सुखमुपदेसगुणा, गुरुवचनममलम्पि सलिलमिव महन्तं जानिमुपजनयति सवनहतं सूलमिव अभब्बस्स, भब्बस्सतु करिनो विय सब्बाभरणमाननसोभासमुदयमधिकतर मुपवहति, अनादिसिद्ध तण्हाकसायितिण्ड्रियानुचरज्झि चित्तं नावहति कन्नामानत्थं, तस्मा राज कुमारानज्ज यतीनज्ज सतिबलेन इण्ड्रियविजयो दिट्ठधम्मिकसम्परायिकम्बिलं कल्याणजातमुपजनयति, इण्ड्रियविजयो च सम्भवति गुरुबुद्धोपसेवाय तब्बवनमविराधेत्वा पटिपज्जतो, तस्मा तया आपाणपरियन्तं वत्थुत्तयसरणपरायणता न पहातब्बा ।

न रागापस्मारविबोधनं विसयदहनसलिल संसेवनं कातब्बं, पस्सतू हि कल्याणाभिनिवेसि चक्खूण्ड्रियलाळन परवसस्स सलभस्स समुज्जलित दीपसिखापतनं सोतिण्ड्रिय सुखानुयुत्तस्स तरुण हरीणस्स उसु पातसम्मुखीभवनं घाणिण्ड्रिय परवसस्स मधुकरस्स मदवारणकण्णतालभन्नं रसनिण्ड्रियतप्पणव्यसनिनो पुथुलोमस्स बलिसाघासव्यसनं फस्सीण्ड्रियानुभवनलालसस्समतङ्गजस्सवारिणि बण्धनापायं इमेहि इण्ड्रियेहि मिलितेहि एकस्स कामिनो सदिदेव पञ्चन्नं, विसयरसानमुपसेवाय पत्तब्बं महन्तं दुक्खजालं कथमुपवण्णयाम? इमानि च सुभासितानि पच्चवेक्खतु अनुक्खणं विचक्खणो ।

१७. नागारिकं सुखमुदिक्खति किञ्चि धीरो,
जानाति देहपटिजग्नमत्थतोवे ।
संसेवतोपि युवतिं रतिमोहितस्स,
कण्डुयने विय बनस्स सुखाभिमानो ॥

१८. को सेवेय्य परं पोसो अवमानं सहेय्यवव,
न वे कलत्तनिगळं यदि दुक्खनिबण्धनं ॥

१९. आकट्ठमाना चिसिखा स्मिपं,
परम्मुखायेव सदा पवत्ता ।

दूरम्पि गच्छन्ति गुणं विहाय,
पवत्तनं तादिसमेव थीन ॥

२०. असन्धुतं ता पुरिसम्पि अन्तो,
करोन्ति आदायकताव भित्ति ।
नेत्तिं सवल्ली विय हण्थगापि,
दसासु सब्बासु च सङ्कनीया ॥

२१. अन्तोरुद्धा बहिद्धापि निस्सासा विय नारियो,
करोन्ति नासमेवस्स कोधीमातासु विस्ससे ॥

२२. मानस पापसंनिन्नं अपाया विवटा नना,
समन्ता पापमिन्ताव मोक्खो सब्भयाकथं ॥

२३. अपि च हृदयतरुकोटर कुटीरो कोध कुण्डलीन कदाचि बहि कातब्बो । अपि तु तित्तिक्खामन्तेन अचिप्फण्दन्तं उपनेतब्बो ।

२४. सतं तित्तिक्खाकवचे विगुण्ठिता,
सियुं दुरालापखगा खलानं ।
सभापसंसाकुसुमत्त मेता,
निबज्झरे ता गुण मालिकाय ॥

२५. लोकाधिपच्चं विपुलेधने च,
मनोनुकूले तनये च दारे ।
लद्धापि यायेति न जातु तित्तिं,
बाधेतु सातं न पपज्ज तण्हा ॥

२६. वण्णप्पसादा यस्सा सुखाव,
धना च हायन्तुप जीविकाच ।
येनाभिभूतारिपुनेव सत्ता,
दोसग्गि सो ते हृदयं जहातु ॥

२७. खेदो विपत्तीसु पटिकिरया न,
तस्मा न दीनप्प कतिं भजेय्य ।
पज्जानुयातं वीरियं वदन्ति,
सब्बत्थ सिद्धिग्गहणग्गहण्थं ॥

२८. व्यापारा सब्भूतानं सुखत्थाय विधीयरे ।
सुखञ्च न विना धम्मं तस्मा धम्मपरो भवाति ॥

२९. एवमादिकं सप्पुरिसनीतिपथं आदिसन्ते महाथेरे तेन कल्याणधम्मेन असोतब्बतानादरियरचितभुकूटिक मुखेन वा दिसाचिक्खित्तचक्खुना च अहङ्कारपरवसेन गजनिमिलितमुब्भावयता वा अत्तनो पज्जाधिकखेपमिव च अचिन्तयता चुळाविनिहितकोमळज्जलिपुटेन तन्निन्नेन, तप्पोणेन सिरसा च पीति समुदित साधुवादविकसितकपोलेनमुखेन च । सकलावयवचित्थटरोमञ्च कञ्चुकितेन देहेन च भूमियं निपज्जित्वा दीघप्पमाण पमाण मावरत्तामग्गफललाभतोविय विसिद्धतरं पमुदितमाविकतमासि ।

इति अनुसासन परिच्छेदो दुतियो ।

३०. ततो पट्टाय यथावुत्तपटिपदं अविराधेत्वा समावरणेन सन्तुट्ठो तस्स सङ्खबोधि समञ्जं गोपेतुकामो मातुलमहाथेरो धम्मिकोति वोहारं पट्टपेसि ।

३१. लक्खणपाठकानं वचनं सदहन्तो भागिनेय्यं पब्बजितुकाममि अपब्बाजेत्वा “इध वासतो अनुराधपुरे वासोयेव कुमारस्स योगक्खेमावहो, पुज्जानुरूपेन जायमानस्स विपाकस्स च ठानं होति, महाचेतियस्स वत्तपटिवत्तसमाचरणेन च महन्तो पुज्जक्खण्णो सम्पजिस्सति”ति मज्जमानो तं कुमारमादाय गच्छन्तो अनुराधपुरं गन्तुकामो निक्खमि । सङ्घतिस्सोगोठाभयोति च लम्बकण्णा राज कुमारा अपरेपि दुचे तस्स पंसुकीळनतो पट्टाय सहायातेन कुमारेण सद्धिं निक्खमिंसु ते तयो कुमारे आदाय गच्छन्तो महाथेरो पुरेतरमेव अनुराधपुरं पाविसि । महाथेरमनुगच्छन्तेसु तेसु कुमारेसु जेट्ठो सङ्घतिस्सो मज्झिमो सङ्खबोधि कनिट्ठो गोठाभयोति ते थेरं पच्छतो अनुगच्छन्ता तयोपि पटिपाटि या तिस्सवापिया सेतुमत्थकेन गच्छन्ति ।

३२. तत्थ सेतुसालाय निसिन्नो कोचि अण्णोविचक्खणो तेसं तिण्णन्तं कुमारानं पदविज्जासदं सुत्वा लक्खणानुसारेण उपपरिक्खपित्वा “एते तयोपि सीहळदीपे पथविस्सरा भविस्सन्ती”ति तत्थ निसिन्नानं व्याकासि । तंवचनं पच्छा गच्छन्तो गोठाभयो सुत्वा इतरेसं गच्छन्तानं अनिवेदयित्वा पच्चागम्म “कतमो चिरं रज्जं कारेस्सति? चंसट्ठित्तञ्च करोति”ति? पुच्छित्वा पच्छिमोति वुत्ते हट्ठपहट्ठो उदग्गुदग्गो सीघतरं आगम्म तेहि सद्धिं गच्छन्तो तिखिण मन्तिताय गम्भीरभावतो च कज्जि अजानापेत्वा अन्तोपुरं पाविसि । ते तयोपि पतिरूपे निवासे वासं गण्हिंसु ।

३३. अथ कनिट्ठो “एते द्वेपि अप्पायुकत्ता रज्जे पतिट्ठितापि न चिरं जीवन्ति किर अहमेव तेसं रज्जं दुपेस्सामि”ति तदनुरूपेण उपायेनपटिज्जन्तो तेसं रज्जलाभाय उपायं दस्सेन्तो अभिण्हं मत्तेति । जेट्ठोपि तस्मिं अतिपियासमानो तेनोपदिट्ठमेव समाचरन्तोराजानं दिस्वा लद्ध सम्मानो सब्बेसु राजकिच्चेसु पुब्बङ्गमो हुत्वा न चिरस्सेव राजवल्लभो अहोसि? तस्मिं काले रज्जं कारेन्तो विजय राजा नाम खत्तियो तस्मिं पसन्नो सब्बेसु राजकिच्चेसु तममेव पधानभूतं कत्वा सेनापतिं अकासि ।

३४. धम्मिको पन रज्जेन अनत्थिकताय रज्जलाभाय चित्तमि अनुप्पादेत्वा केवलं महाथेरस्स अनुसासनमत्तेनेव राजुपट्टानवेलायं अनुचरणमत्तमाचरन्तो राजगेहं पविसित्वा ततो तेहि सद्धिं निक्खम्म सायं महा थेरस्स विहारेयेव वसन्तो अत्तनो धम्मिकानुट्टानं अहापेत्वा महाचेतियो पट्टानगिलानुपट्टानादिकं अनवज्ज धम्मंचरन्तो कालं वीतिनामेति ।

तदा सङ्घतिस्सो सकलरज्जञ्च पुरञ्च अत्तनोहत्थगतं कत्वा एकस्मिं दिने लद्धोकासो राजानं अन्तोभवनेयेव गोठाभयेन मारापेत्वा सयं रज्जे पतिट्ठति ।

इति अनुराधपुरप्पवेसपरिच्छेदो ततियो ।

३५. अथ गोठाभयो धम्मिकं अनिच्छामानम्पि सेनापतिट्ठाने ठपेत्वा आयतिं अपेक्खमानो सयं भण्डागारिको अहोसि । अथ सङ्घतिस्सो राजा बहुं पुञ्ज्य अपुञ्ज्य पसवन्तो जम्बुफलपाककाले ससेनो सामच्चो सभोरोधो अभिण्हं पाचीन देसं गन्त्वा जम्बुफलानि खादति । रज्ज्यो येभुय्येन गमना गमनेन उपट्ठता रट्ठवासिनो राजुपभोगारहेसु जम्बुफलेसु विसं योजेसुं । अथ सो सङ्घतिस्सो राजा तेन विसेन तत्थेव कालमकासि ।

३६. अथ गोठाभयो अण्धविचक्खणस्स वचनं अनुस्सरन्तो अनुक्कमेन रज्जं दापेत्वा पच्छा अहं सुप्पतिट्ठो भविस्सामि'ति मज्जमानो सामच्चो ससेनो सङ्घबोधिकुमारं रज्जेन निमन्तेसि । सो तेमिय महाबोधिसत्तेन दिट्ठादीनवत्ता रज्जसुखापरिच्चागानुभूतं महन्तं दुक्खजालं अनुस्सरित्वा पुनप्पुनं याचियमानोपि पटिक्खिपियेव अभयो गामनिगमराजधानीसु सब्बेपि मनुस्से सन्निपातेत्वा तेहि सङ्घि नानाप्यकारं याचमानोपि सम्पटिच्छापेतुं नासक्खि । अथ सब्बेपि रट्ठवासिनो सामच्चामहाविहारं गन्त्वा महा सङ्घं सन्निपातेत्वा सङ्घ मज्झे सङ्घबोधिकुमारो महा सङ्घं भूमियं निपज्ज नमस्सित्वा लद्धोकासो एकमन्तं निसीदित्वा एवं वत्तुमारभी ।

३७. अयज्हि राजलक्खीनाम यथा यथा दिप्पते, तथा तथा कप्पुरदीपसिखेव कज्जिलंमलिनमेव कम्मजातं केवलमुब्बमति । तथाहि अयं संवधनवारिधारा तण्हाविसवल्लीनं, नेनाद मधुरभीतिका अयं इण्ड्रियमिगानं, परामासधुमलेखा सुचरित चित्तकम्मस्स विब्भमसेय्या मोहनिद्धानं तिमिरुग्गति पज्जादिट्ठीनं, पुरस्सरपताका अविनयमहासेनाय, उप्पत्तिनिन्ना कोधवेग कुम्भिलानं, आपानभूमि मिच्छादिट्ठिवदनं । संगीति साला इस्सरिय विकारनाटकानं आवासदरीदोसासिविसानं, उस्सारणवेत्तलता सप्पुरिसवोहारानं, अकालजदागमो सुचरित हंसानं, पत्थावना कपटनाटकानं, कदलिका कामकरिनो वज्झवाला साधुभावस्स, राहुमुखं धम्मचण्ड मण्डलस्स, नहि तं पस्सामि योहि अपरिचितायापि एताय निब्भरमुपगुल्हो न विप्पलद्धो, अपिच, अभिसेकसमये राजज्जानं मङ्गलकलसजलेहि विय विक्खालनमुपयाति दक्खिज्जं अग्गिहुततधुमेनेव मलिनीभवति हृदयं पुरोहित कुसग्ग समज्जतेन विय अपनियते तितिक्खा, उण्हीस पट्ट बण्धनेन विय छादीयती जरागमदस्सनं, आतपत्त मण्डलेन विय तिरोकरीयति परलोकापेक्खणं, चामरपवनेन विय दुरमुद्धुयते सच्चादिता वेत्तलताप्पहारेन विय दुरमपयन्ति सग्गुणा एके रज्जसिरि मदिरा मदमत्ता सकत्थनिष्पादनपरेहि धनपिसिताघासगिज्झेहि सहानलीनीबकेहि दूतं विनोदनन्ति, परदाराभिगमनं विद्धताति, मीगवन परिस्समोति, सुरापानं विलासोति, निच्चप्पमत्तता, सुरभावोति सदारप्पिच्चागं अव्यसनितानि, गुरुवचनावधीरणं अपरप्पनेयत्तमिति अजितहच्चतं सुखोपसेवत्तमीति, नच्चगीत गणाकानुसत्ति रसिकतेहि परिभवसहत्तं खमेति, सेरीभावं पण्डिच्चामिति वण्दिजन नवचनं यसेंघोसोति तरलता उस्साहोति । अविसेसज्जुत्तं अपक्खपात्तित्तमिति? एव दोसगणम्पि गुणपक्खे अज्झारोपयन्तेहि सयम्पि अन्तो ह सन्तेहि पतारणकुसलेहि धुत्तेहि अमानुसोचिताहि थोमानाहि पतारियमाना, चित्तमदमत्त चित्ता निच्चेत न ताय तथेति अत्तनि अज्झारोपयन्ता अलिकाभिमानं मच्चधम्मसमानापि दिब्बं सावतिण्णमिव अमानुसमिव अत्तान मज्जमाना आरधदिब्बोचितकिरयानु भावा सब्बजनो पभसनीय भावमुपयन्ति । अत्त मिलम्बनञ्च अनु जीविजनेन करीयमानं अभिनन्दन्ति ।

३८. मानसा देवताज्झारोपणप्पतारण सम्भूत सम्भावनो पहतञ्च अन्तो पविट्ठ अपरभुजयुगं विय अत्तनो बाहुयुगं

सम्भावयन्ति । तचन्तरित लोचनंसकललाट मासंकन्ति, अलिकसम्भावनाभिमानभरिता न नमस्सन्ति देवतायो न पूजयन्ति समण ब्राह्मणे न मानयन्ती माननीये, न उपतिट्ठन्ति गुरुदस्सनेपि अनत्थकाया सान्तरीत, विसयो पभोगसुखाति अपहसन्ति यतिनो? जराभि भवपलपिमिति न सुणन्ति वुद्धजनुपदेसं, अत्तनो पज्जा परिभवोति उसुसन्ति सचिवो पहेसस्स, कुञ्जन्ति एकन्त हितवादिनं एवमादिना काकणेन बहुन्नं दोसानं माकर भूतंरज्जीविभवं अयं न इच्छामी”ति अवोच ।

४९. अथ महाजनेन सादर मज्झेसितो महासङ्घो कुमारभिमुखो हुत्वा “महाभागधेय्य! थनचुचुके लग्गिताजलुक तिकखडसनेनतत्थ वेदनुप्पादयन्ति लोहितमेव आकङ्कति, दारको पन कोमलेन मुखपुटेनमातु सुखसज्जं उप्पादयन्तो खीरमेव अक्केति ।

४०. एवमेव रज्जविभवं पत्तो अधीरो बालो बहुं अपुज्जमेव सज्जिणानि, मेधावि धिरपुरिसो पन आयुसङ्खारस्स दुब्बलत्तज्ज धनसज्जयस्स निस्सारत्तज्ज पज्जाय उप परिक्खित्वा दस कुसलकम्मानि पूरेन्तो तादिसेन महता भोगक्खणधेन महन्तं कुसलरासिं उपचिणाति, त्वमसिकताधि कारो महासत्तधुरण्धरो, एतादिसं पुज्जायतनट्ठानं लद्धा धम्मेन समेन लोकं परिपालेन्तो सुगतसासनं पग्गणहन्तो दानपारमिकोटिप्पत्तं कत्वा पच्छा अभिनिक्खमणज्ज करोन्तो बोधिपक्खियधम्मे परिपाचेही”ति अनुसासि ।

४१. अथ सो महज्झासयो पुरिसवरो महासङ्घस्स अनुसासनिं मद्धितु मसमण्थो अधिवासेसी । अनन्तरज्ज महाजनकायो सङ्घस्स अनुज्जाय सकलं सीलदीपं एकच्छत्तं कत्वा अभिसिज्जिय धम्मिक सिरिसङ्घबोधिराजाति वोहारं पट्ठपेसि गोठाभयज्ज सेनापतिट्ठाने ठपेसि ।

४२. दानं अदा धारयि निच्चसीलं,
वही तित्तिक्खं भजि अप्पमादं ।
पजा हितज्झासय सोम्मरूपो,
धम्मो च सो विग्गभवा विरोची ॥

४३. विज्जाय लोकस्स हि सो सभावं,
पधानवत्तानु गतिप्पधानं ।
निधातुकामो जन्तासु धम्मं,
सयम्पि धम्मा वरणम्हि सत्तो ॥

इति रज्जाभिसेक परिच्छेदो चतुत्थो ।

४४. सो राजा महा विहारे महग्घ महाविसालं सलाकगं कारापेत्वा अनेकसहस्सानं भिक्खूनं निच्चं सलाक भत्तं पट्ठपेसि । मातुलमहाथेरस्संच सकनाम धेय्येन महन्तं परिवेण विहारं कारापेत्वा अनेकेहि कप्पियभण्डेहि सद्धिं सपरिवार वेणा कानि गामक्खेत्तानि सडंसपरिभोगारहानि कत्वा दापेसि सत्तमेव निसीथकाले रहोगतो महाबोधिसत्तस्स दुक्करचरितानि सल्लक्खेन्तो तादिसापदानं अत्तनि सम्पादेतुमासिंसि । तथा हि

४५. देहीति वत्थुमसुकं गदितोत्थिकेहि,
 नालं कथेतुम्ह नत्थि न देमिचाति ।
 चित्ते महाकरुणाय पहटावकासाव,
 दुरंजगाम विय तस्स भवत्थु तण्हा ॥

एवमम्हाकं बोधिसत्तस्स विय बाहिर वत्थुपरिच्चागमहुस्सवो कदा मे भविस्सतीति च,

४६. आनीयते निसित सत्थनिपातनेन,
 निक्कड्ढते च मुहु दान्हवायरत्या ।
 एवं पुनप्पुन गतागतवेगखिन्नं,
 दुक्खं न तस्स हदयं वत पीळयित्थ ॥

एवं किरस्स महासत्तस्स मंस लोहितादि अज्झत्तिकवत्थुदानसमये दुक्खवेदना मनं न सम्बाधेसि । ममापि ईदिसं
 अज्झत्तिक दानमहामङ्गलं कदा भविस्सतीति च ।

४७. सो संखपालभूजगो विसवेगवापि,
 सीलस्स भेदनभयेन अकुप्पमानो ।
 इच्छं सदेहहरवाभिजने दयाय,
 गन्तुं सयं अपदताय सुसोचनूनं ॥

एवं सील रक्खनापदानसिरिं कदा विण्ढामीति च,

४८. पिवेय्य थज्जं अमतज्च बालो,
 वुद्धिं गतो सोव जिगुच्छिते तं ।
 स जातु एवं अनुभूय रज्जं,
 जाणस्स पाके सततं जहाति ॥

एवं मयापि अचिरस्सेव अवस्सं अभिनिक्खमनं कातब्बन्ति च,

४९. सो सेनको द्विजपसिब्बकसायिसप्पं,
 अज्जासि दोसकलुसाय धियाब्भुतंतं ।
 का वण्णनास्स खलु दोसविनिग्गताय,
 सब्बज्जुताय दसपारमिसाधिताय ॥

एवंविधा कल्याणजाणसम्पत्ति कदा मे समिज्झिस्सतीति च,

५०. वालेन सो किसकलण्डकजातियम्पि,
 उस्सिज्चितुं सलिलमुस्सहि सागरस्स ।

तं मुद्धताय न भवे मतिया महन्या,
सम्पादनाय भिमतस्स समत्थताय ॥

एवं विधाय वीरियपारमिया कदा भाजनं भविस्सामिति च

५१. कलाबुराजेन हि खन्तिवादि,
वधं विधायापि अतित्तकेन ।
हते पदेनोरसि खन्तिसोधे,
सो कूटसण्धिगगहणं बुबोध ॥

एवं विधाय खत्तिपारमिया अत्तानं कदा अलंकरिस्सामिति च

५२. मिच्छाभियोगं न सहिसु तस्स,
रामाभिधानस्सपि पादुकायो ।
सच्चञ्चया नाञ्जमभासिधीरो,
सो सच्चसण्धो चतुसच्चवादी ॥

अहम्पि ईदिसेन सच्चपारमिताबलेन सब्बलोकस्स चतु सच्चाव बोधन समत्थो कदा भविस्सामिति च

५३. सो मुगपक्ख विदितो सिरिभीरुकाय,
मुकादिकं वतविधिं समधिद्वहित्वा ।
तं तादिस अनुभवं असहम्पि दुक्खं,
यावाभिनिक्खम्मभेदि अधिद्वित्तनो ॥

एवं म मापि अधिद्वान पारमिताय पारिपूरी कदा भविस्सतीति च

५४. मेत्तानुभावेन स लोमहंसो,
पेमानुबद्धेन सबीकरोन्तो ।
सत्ते समत्तेपि च निच्चवेरी,
सद्वं विरुद्धत्थमकासि धीरो ॥

अहम्पि एवंविधाय मेत्तापारमिताय कोटिप्पत्तो कदा भविस्सामीति च ।

५५. सो एकराजा विदितो समचित्तताय,
मानावमान नकरेसु तुलासरूपो ।
तोसञ्च रोसमनुपेच्च भजी उपेक्खं,
सब्बत्थ पीतिविकती हतचेतनोव ॥

एवं अहपि उपक्खापारमिताय कदा सब्बसाधारणोभविस्सामिति च निच्चं चिन्तेसि ।

इति पारमितासिंसन परिच्छेदो पञ्चमो ।

५६. एवमनवज्जधम्मेन रज्जं कारेन्ते तस्मिं कदाचि केनचिपजानं अकुसल विपाकेन-

जठर पिठरभारक्कन्तवङ्कोरुजाणु,
सजल जलद कुटाकारघोरोरुकायो ।
कुटिलकठिनदाठाकोटिसण्डदुहण्डो,
नवदिवसकरक्खो रक्खसोदिपमाग ॥

५७. सो तेसु तेसु गामपरियन्तेसु निसीदति, ये ये मनुस्सा तमागम्म तं रत्तक्खमुदिक्खन्ति तेसं अक्खिनि रत्तानि भवन्ति । तं खणेयेव रत्तक्खमारको नाम जररोगो पातुभवित्वा मारेति ।

५८. सो यक्खो मतमते निरासङ्गे खादति । तं यक्खं अदस्वापि ये ये नरा तेनातुरा ते ते पस्सन्ति, तेपि सो रोगो आविसति । एवं न चिरोनवयक्खभयेन रोगेन च जनपदो विरलजनो जातो ।

५९. राजा तं पवत्तिं सुत्वामयि रज्जं कारेन्ते पजानं ईदिसस्स भयस्स उप्पज्जन अननुच्छविकन्ति मज्जमानो तदहेव अङ्गं सीलं स्वादियित्वा अत्तना निच्चं करीयमानानि दसकुसलकम्मानि अनुस्सरित्वा अहं धम्मविजयि भविस्सामीति तं रक्खसं आदिस्वा न उट्ठहिस्सामीति दळ्हतरं अधिद्वाय वासगम्भे सयि । तस्स तेन आचार धम्मतेजेन राजानुभावेन च सो रक्खसो सन्ततो उत्तसित्वा खणम्पि ठातुं असहन्तो आकासेना गन्त्वा बलवपच्चुस समये अन्तोगम्भं पविसितुमसक्कोन्तो बाहिरे ठत्वा रज्जो अत्तानं दस्सेसि । रज्जा च कोसित्वन्ति पुट्ठो आह । रत्तक्खो नामाहं रक्खसो दुरजनपदेस्मिठितो, अहं खणम्पि ठातुं असक्कोन्तो तवानुभावेन बद्धोवियहुत्वा इधानीतो? भायामि देव तव दस्सनन्ति ।”

६०. अथ राजा सयनतो वुट्ठित्वा सीहपज्जरं विवरित्वा ओलोकेत्वा अरे! जम्म! म्म विसयगते मनुस्से कस्मा? खादयीति । महाराज तव विसये मया मारेत्वा एकोपि खादितो नत्थि, अपितुमतकलेबरं सोनसिगालादीनं साधारण भक्खभूतं खादामि, न मे कोचि अपराधो अत्थि, अत्थि चे राजदण्डो मयि विधीयतू”ति वत्वा पवेधमानो निच्चलभावेन ठातुं असक्कोन्तो भयवेगेन जातलोमहंसो सानुनयमेव माह । “देवस्स रट्ठितं धनधज्ज समिद्धिसम्पुण्णं देवस्स धन वस्सेन सम्पुण्णमानो रथा मनुस्सा, इदानि याचकापि बहुतरा न होन्ति, अह मीदिसं रट्ठं पत्वापि अलद्धगोचरो अपरिपुण्णमनोरथो जतो पिपासितोव हुत्वा दीन भावेन जीविकं कप्पेमि, तथा ईदिसं भयं पत्तोमि अभयं मे देहि महाराजा”ति ।

६१. अथ राजा तस्स दीनवचनं सुत्वा करुणाय कम्पितहृदयो “मा भायित्वं रक्खस! अभयं ते दम्मि इच्छितं तेवदा”ति आह । एवं रज्जोच रक्खस्सच अज्जमज्जेहि सद्धिं सल्लपन्नानं सद्धं सुत्वा अन्तोगता अनुचरा राजानं परिवारेसुं, अथ कथानुकथाय रक्खसो “अगतो रज्जा सद्धिं सल्लपती”ति सुत्वा सब्बे अमच्चा च नागरा च सेना च सन्निपतित्वा राजङ्गणज्ज राज भवनज्ज पूरेत्वा अरुणे उग्गच्छन्ते महन्तं कोलाहलमकंसु ।

६२. अथ सोरक्खसो सन्निपतितंचतुरङ्गबलज्ज आयुध हत्थं अनेक सहस्सयोधबलज्ज दिस्वा अतिवियभीतो ठातुज्ज रज्जो आणत्तिबलेन गत्तुज्ज किमपि भाणितुज्ज न सक्कोति, राजा तदवत्थं तं दिस्वा लद्धाभयोसि इमच्छितं ते

कथेही'ति आह, धम्मिको राजा न मे किञ्चि भयं उप्पादेस्सतिति जत्वा राजानमेव माह “देवो जानातियेव सब्बेसं सत्तानं आहरद्वितिकतं, तथाहि उद्धलोकवासिनो देव सुधाभोजनेन पीणिता जीवन्ति, अथे लोकवासिने नागा भेकभोजनेन सुहिता वसन्ति मनुस्सा खज्जकादिनानाविधेन आहारजातेन पीणिता जीवन्ति । अम्हादिसा यक्ख रक्खसादयो पन मंसलोहि सस्सादतो तुस्सन्ति? तेस्वह मज्जतरो छाते च पिपासिते च तादिसं करुणापरायणं महापुरिसं दिस्वापि अपरिपुण्णमनोरतो मण्डभागधेय्यो सोचामी”ति आह ।

६३. तनुत्त्वमवोच “मतकलेबरानि खादित्वा वसामि”ति सच्चं महाराज! मतसरीरं सुक्खपण्णं विय नीरसं किं मेताय दुज्जविकाय पसीद देव! वरं मे देहि नव विसयेथित मनुस्सो एको जनपदो गोचरत्थाय मे दीयतु, तत्थ मनुस्सानं अनपगतुण्हवेगं जीवरुधिरञ्च जीवमं सञ्च खादित्वा चिरं सुखेन जीवितुं सक्का”ति आह । अथ राजा अरेपापिम! रक्खस! नाहं पाणवधं अनुजानिस्सामि चजेतं तव गाहविकारन्ति । “तेनहि दिने दिने एकं मनुस्सबलिदेहि”ति । जीवबलिमेकम्पि न देमीति वुत्ते “सच्च मेनं मंदिसान कप्प रुक्खापि अवकेसिनो जायन्तीति हा हतोस्मि किमहं करोमी”ति विसाद दिन्नयनो दुम्मुखो दोमनस्सप्पत्तो अप्पटिहानो अट्ठासि ।

६४. अथ तस्स नरिण्डस्स करुणाभूयसि तहिं जायमाना मनोतस्स विरत्या व्याकुलं अकासि । अथ राजा एवं परि वितक्केसि ।

६५. नानुस्सरामि वत याचितु मागतानं,
इच्छाविघात परिताप हतज्जुतीति ।
हेमन्त निब्बहिममारुत निस्सिरीक,
पङ्केरुभेहि सदिसानि मुखानि जातु ॥

६६. एतस्स रक्खस्स परेसं दुक्खमा पादयितुं न कदाचि सक्का, अहञ्च अज्झत्तिक दानं कदादस्सामिति पत्थेमि, तदिदं पत्तककालं जातं, सक सरीरस्स अहमेव इस्सरो, मम मंसलोहितेन एतं सन्तप्पयामीति कत निच्छयो अमच्चे आमन्तेत्वा एवमाह ।

६७. इमं सरत्तं पियितं सरीरं,
धारेमि लोकस्स हितत्थ मेव ।
अज्जातिथेय्यत्त मुपेति तज्जे,
अतो परं किं पिय मत्थि मय्हं ॥

अमच्चा एवमाहंसु एकस्स रक्खस्स अत्थाय सकल लोकं अनाथिकत्तु मिच्छतो कोयं धम्म मग्गो देवस्स अथ राजा एवमाह ।

६८. निच्चो पहोगस्स धनस्स चापि,
न याचके दट्ठु महं लभामि ।
एवं विधं अत्थि जनन्तु लब्धुं,
न देवता राधनायपि सक्का ॥

६९. अपेथ तुम्हे न मे दानन्तरायं करोथांति आह । अथ अमच्चा यदिचायं निच्छयो अपरिच्चजनीयो अम्हेसु एकेक मेव दिने दिने रक्खस्स बलिकम्माय होतूति आहंसु । अथ राजा “अहमेव जीवन्तो एवं नानाजानिस्सामि”ति सल्लकत्तं सीघं एत्थ आनेहीति संविधहि । अथ तत्थ समागता सब्बे जना तं पवत्तिं सुत्वा तस्स गुणे अनुरत्ता सोकेन कम्पमाना तहिं पतिट्ठितेन पटिघेन अति कुद्धा विसुं विसुं एवमाहंसु ।

७०. एसो रक्खसो सीसच्छेदमरहतिति केचि, काल मेघ सदिस मेतस्स महा सरीरं अनेक सतानं सरानं तुणिरभावं नेतुमरहतीति केचि, अनेकेसं खेपन सत्थानं लक्खभावं मुपनेतुं युत्तमिति च परे, असिकदलिकीलाय वज्झोयमिति अज्जो तेलचोलेन वेठेत्वा महता पावकेन उज्जालेत्वा दहितब्बोयमिति अपरे, इदं सब्बं राजानानु जानाति । इमं असप्पुरिसं जीवगाहं गहेत्वा रज्जूहि गुळपिण्डवेठनं वेठेत्वा बण्धनागारे पक्खिपि तब्बन्ति अज्जे एवमेवं तत्थ बहुधा कथेन्तानं कटुकतरं वधविधानं यक्खो सुत्वा तसितो मिलितक्खमतदेहो विय निच्चलोव ठितो, अथ सो राजा “एहि सखे रक्खस! महोपकार करण भूत!

७१. देय्यञ्च दानप्पवनञ्चचित्तं,
अत्थि तुवं लोहित मंसकामी ।
समेतु मेतं हिताय दुरापं,
मनो रथो सिज्झतु नो उभिन्नन्ति ॥

वत्त्वा “मम सरीरतो दीयमानं जीवमंसं जीवरुधिरञ्च मयि अनुग्गहेन सम्पटिच्छांति रक्खस्स वत्त्वा सल्लकत्ताभिमुखं दक्खिणबाहुं पसारेसि मंसकत्तनाय ।

७२. अथ सो यक्खो उभो कण्णे पिधाय सन्तं पापं पटिहतममंगलं रज्जो सोत्थि भवतु, किमिदमापतितं महता मे पाप विपाकेन जीवतु मिच्छतो विसभोजनमिच्च, आतपतिलन्तस्स दावग्गि परिकखेपो विय च यदि ईदिसो मे संकप्प महाराजे समुज्जो येय्य देव दण्डो मे सिरसि अद्धा पततूति, लोकपालापि मे सीसं छिण्दन्ति नाह मेवं विधमपराधं करिस्सामी”ति न सम्पटिच्छि,

७३. अथ राजा तेन हि यक्ख! “किं ते मया कातब्बन्ती”ति आह । अथ सो रक्खसो महाजनानं वध विधानेन रज्जो आनाय च भीतो सन्ततो “देव! नाह मज्जं पत्थयामि किन्तु इतोप्पभूति राजारहेन भोजनेन गामे गामे उपहारबलिं लद्धुकामोम्हि”ति आह अथ राजा “एवं करोन्तु रट्ठवासिनो”ति नगरेव सकल रट्ठे च भेरिं चरापेत्वा पानातिपात विरमणाय ओवदित्वा नं यक्खं उय्योजेसि ।

इति रत्तक्खिदमन परिच्छेदो छट्ठो ।

अथ कदाचि वस्साधिकतानं देवतानं पमादेन अवग्गहो पातुरहोसि ।

७४. निदाघवेगेन रवि पतापि,
उण्हाभितत्ता पचनो बरो च ।
जरातुरेवासिसिरा धरा च,

पिंविंसु ते सब्बधि सब्बिम म्बु ॥

७५. अनेताभुसुणेहन विपच्चमान,
सनीस्सनमेभाहरितेव वाटी ।
तिब्बातपक्कत्तवनन्तराजी,
रुनाकुला खायति वीरिकानं ॥

७६. वस्सानकालेपि पभाकरस्स,
पतापसन्तापितमन्तलिक्खं ।
समाचितं पण्डरवारिदेहि,
सवण्डनालेपमिवातिरोची ॥

७७. एवं महता गिम्हविप्फुरणेन नदीतळाकसोब्भादीसु सिकताकद्दमावसेसं सोसितेसु केदारेसु मत सस्सेसु बहुधा
एळितभूमिभागेसु सलिलभावेन किलन्तेसु मिगपक्खिसु तं पवत्तिं सुत्वा राज करुणाय कम्पितहृदयो अट्टङ्गसीलं
समादियित्वा महाचेतियङ्गणमागम्म याव देवो सब्बत्थ वित्थ ताहि सलिलधाराहि सकल लङ्कादीपं पिनेन्तो वस्सं वस्सित्वा
महता उदकप्पवाहेन मं न प्लवयिस्सति मरमानोपि ताव न उट्ठहिस्सामीति दळ्ळहतरं अधिट्ठाय तत्थ सिलापत्थरे सयि ।

७८. तंखणे तस्स रज्जे धम्मतेजेन चकितानं गुणप्पबण्धेन च पसन्तानं देवनागयक्खानं आनुभावेन समन्ततो
वस्सवलाहका उट्ठहिंसु तथा हि ।

७९. दीघामिनन्ताव दिसापयामं,
वित्थारयन्ताव तमं सिखाही ।
छाया गिरीनं विय काळमेघा ॥

८०. गम्भीरधीरत्थनिता पयोदा,
तहिं तहिं वस्सितुमारभिसु ।
समुन्नदत्ता सिखिनो कलापं,
सण्धारयुं जत्तमिचुत्तमडिगे ॥

८१. मुत्ताकलापा विय तेहि मुत्ता,
लम्बिंसु धारा पसमिंसु रेणु ।
गण्धो सुभो मेदिनियावचार,
वितज्जमानो जलदानिलेन ॥

८२. जुतीहि जम्बुनदपिप्फराहि,
मुहुं दिसन्ते अनुर जयन्ति ।
मेघस्सनाळितुरियानुयाता,

विज्जुल्लता नच्चमिवाचरिंसु ॥

८३. कोधेन रत्ता विय तम्बवण्णा,
निनादवन्तो जयपीतियाव ।
गवेसमाना विय गिम्हवेरिं,
व्यापिंसु सब्बत्थ तदा महोघा ॥

८४. एवंविधे वस्से पवत्तेसि राजा नमं महोघो उप्पिलापधीति न उट्ठासियेव अथ अमच्चा चेत्तियङ्गणे
जलनिग्गमपणालियो थकेसें अन्तो सम्पुण्णवारिपूरो राजानं उप्पिलापेसि । अथ सो उट्ठाय चेत्तियस्स महुस्सवा विधाय
राजभवनमेव गतो ।

८५. ततो अदण्डेन असत्थेन रज्जमनुसासतो रज्जो अच्चन्तमुद्रमानसत्तं विदित्वा उन्नळा केचि मनुस्सा
गामविलोपादिकं आचरन्ता चोरा अहेसुं तं सुत्वा राजा ते चोरे जीवगाहं गाहापेत्वा बण्धनागारे खिपित्वा रहसि तेसं
रतनहिरज्जादिकं दत्त्वा मा एवं करोथाति ओवदित्वा पलापेत्वा रत्तियं आमकसुसानतो छवरूपे आनेत्वा चोरहिंसंकारेन्तो
विय अग्गिना उत्तापेत्वा नगरतो बहिं खिपापेसि एवं चोरभयद्व अपनेत्वा एकदा एवं चिन्तेसि ।

८६. किमनेन रज्जविभवेन, इन्दं परिपुण्णं सकोसं सपरजनं सहोरोधं सामच्चं सखवाहनं रज्जं कस्सचि दानरूपेन
दत्त्वा वनं पविसित्वा सीलं समादाय कायविवेकं चित्तविवेकद्व सम्पादेतुं वट्टतीति अभिनिक्खमने रतिं जनेसि । तदा
गोठाभयोपि एवरूपं पापवितक्कं उप्पादेसि । एस राजा धम्मिको सदाचारकुसलो पतिदिवसं वीधीयमानेहि
दसविधकुसलकम्ममेहि आयुसंखारोपिस्स वट्टति उपपीळककम्मनिच दूरमपयन्ति । ततोयेव चिरतरं जीविस्सति एतस्स
अच्चयेन कदाहं रज्जं लभिस्सामि रज्जं पत्वापि वडतरो आहं युवजनसेवनीयं विसयसुखं कथमनुभविस्सामि सीधमिमं
इतो पलापेत्वा रज्जे पतिठहिस्सामीति चिन्तेत्वा बहुं सारधनमादाय उत्तरद्वारतो निक्खमित्वा पुब्बचोरे सन्निपातेत्वा
बलकायं गहेत्वा आगम्म नगरद्वारं गण्णि तं पवत्तिं सुत्वा राजा “रज्जं कस्सचिदत्त्वा अभिनिक्खमनं करिस्सामिति
कतसन्निट्ठानस्स मम अयं केनचि देवानुभावेन सन्निधापितो मज्जे अमच्चा मयं अननुमतापि पुरायुज्झितुमार भन्ति एवं
सति मं निस्साय उभयपक्खगतस्स महाजनस्स विपुलं दुक्खं “भविस्सति किमनेन रज्जेन फलं रज्जं तस्सेव दिन्नं होतु”ति
वत्वा कंचि अजानापेत्वा परिस्सावनमत्तं गहेत्वा दुल्लक्खियमानवेसो दक्खिणद्वारेन निक्खमित्वा मलयदेसं गच्छन्तो

८७. सदासन्तुट्ठचित्तानं सक्का सब्बत्थ जीवितु ।
कुत्र नाम न विज्जन्ति फलमूलजल्लाया ॥

८८. इति चिन्तयन्तो कमेन गन्त्वा हत्थवनगल्लं नाम महन्तं अरज्जायन्तं पाविसि,
अविरलपवालकुसुमफलसंजन्नविसालसाखामण्डलेहि उच्चावचेहि पनस्सहकारकपित्थ तिम्वरुजम्बिरजम्बुविभित
कामलक भरीत कतिरीटकसालसरलवकुल पुन्नाग नागकन्दम्बकासोक नीपचम्पक भिन्तालतालप्पभूतिहि
विविधतरुगणेहि समाकिण्णं विपुलविमलसिलुच्चयपरियपरियन्तसङ्गतनदीसम्भेदतित्थोपसंकन्त
विविधमिगयुथविहगवगगनिसेवितं महेसक्ख देवताधिग्गहीतं नण्दनवनकमनीयं सुळभमूलफलसलिल सुखोपभोगरमणीय
तं महा कान्णं ओलोकेत्वा इदं मे तपोवनं भवितुमरहतिति कतालयो कायविवेकचित्तविवेकानं लाभेन एकग्गमानसो
मेत्ताविहारमनुयुजन्तोवज्जजीविकाय संजनितसन्तोसविप्फरणपिनीतकायो वासं कप्पेति ।

इति अभिनिक्खमनपरिच्छेदो सत्तमो ।

८९. गोठाभयोपि रज्जं पत्वा कतिपाहच्चयेन “मम चण्डताय वीरत्तो पजावग्गो मनं पविट्ठं सङ्खबोधिं आनेत्वा रज्जं कारेतुं कदाचि उस्सहती”ति संजातपरिसङ्को तं मारापेतुं वट्ठतीति अभिसण्धाय “सङ्खबोधिरज्जो यो सीसं आनेस्सति तस्स सहस्सं पारितोसिकधनन्ति नगरे भेरिं चरापेसि । ततो मलयदेससिको कोचि दुग्गतपुरिसो अत्तनो कच्चेन पुटभत्त आदाय वन मग्गेन गच्छन्तो भोजन वेलाय सोण्डिसमीपे निसिन्नं सङ्खबोधिराजानं दिस्वा तस्स आकप्पेन पसन्नहृदयो भत्तेन तं निमन्तेसि राजा तं नसम्पटिच्छि । सो पुरिसोनाहं निहीन जातियं जातो न पाणवधं जिविकाय जीवन्तो केवट्ठो वा लुद्धको वा भवामि अथ को उत्तम वण्णेहि परिभोगारहे वंसे सज्जातोहि मम सन्तकमिदं भत्तं भोत्तुमरभति कल्ल्याण धम्मिकोति तं पुनप्पुन याचि । अथ राजा

९०. छायय गेहं साधाय सेय्यं वत्थं तचेनच ।
असनं थलपत्तेहि साधेन्ति तरवो मम ॥

९१. एवं सम्पन्न भोगस्स न तण्हा परसन्तके ।
तव जच्चादिमुद्दिस्स गरहा मम न विज्जतीति ॥

वत्वा न इच्छि एव ।

९२. अथ सो पुरिसो भूमियं निपज्जनमस्समानो निबन्धित्व याचि । ततो तस्स निबन्धनं निवारेतुमसक्कोन्तो सगारवं सोपचारं दीयमानं भत्तञ्च सकपरीस्सावनपरीपुतपानीयज्जा परिभुज्जित्वा हत्थमुखधोवनेन परिसमत्त भत्त किच्चो अन्नोहं कतुपकारो कीदिसमस्स पच्चुपकारं करिस्सामिति चिन्तयन्तोव तं अभिमुखीकरिय “अनुराधपुरे का पवत्ती”ति पुच्छि, अथ सो पुरिसो पुब्बराजानं पलापेत्वा गोठाभयो नाम राजा रज्जेपतिट्ठित्वा सिरि सङ्खबोधिरज्जो यो सीसं आदाय दस्सेति तस्स सहस्सं पारितोसिकधनन्ति नगरे भेरिं चरापेसि किराति सुयति”ति ।

तस्स वचन समनन्तरमेव तुट्ठपहट्ठहृदयो मम सहस्सारहसीसदानेन इदानि एतस्स पच्चुपकारो कतो भविस्सति अज्झत्तिकदानत्ता दानपारमिताव कोटिप्पत्ता भविस्सति इदञ्च वतरे-

९३. न पुति पुगीफलमत्तकम्पि,
अग्घन्ति सीसानि चिच्छिवितानं ।
सीसन्तु मे वत्तति बोधिया च,
धनस्स लाभाय च अद्धिकस्स ॥

अपि च ।

९४. नाळिवनस्सेव रुजाकरस्स,
पुतिप्पधानस्स कलेबरस्स ।
दुक्खन्नुभुत पटिजगन्ने,

सदत्थयोगा सफलं करोमीति-

चिन्तेत्वा कततिच्छयो “भो पुरिस सोभं पिरी सिरिसङ्गबोधि राजानाम, मम सीसं गहेत्वा गन्त्वा रज्जो दस्सेही”ति आह । सो तं सुत्वा “देव नाहमेवं विधं महापातक कम्मं आवजिस्साम भायामि”ति आह ।

९५. अथ राजा “मा भायि कहापणसगस्सलाभाय अहमेव ते उपासं करिस्सामि केवलं त्वं मया वुत्तनियामेव पटिपज्जा”ति वत्वा सहस्सलाभगिद्धेन तेन पथिकपुरिसेन अधिवासिते सीसच्छेदाय सत्थं अलभमानो धम्माधिष्ठानतेज सा सीसं सण्णितो विसुं करित्वा दस्सामीति चिन्तेत्वा पल्लङ्कं सुण्णितं बण्णित्वा ममेदं सीसदानं सब्बज्जुतवाण पटिलाभाय पच्चयो भवतूति सोमनस्सपुब्बकंपत्थनं कत्वा तं पुरिसं अत्तनो समीपं आमन्तेसि । सो अधिकपुरिसो पुब्बे अदिट्ठासुतपुब्बदुक्करकम्म दिन्नं सीसं गहेत्वा अनुराधपुरं गन्त्वा दिस्सेमि कोतं सज्जानाति कोतं सद्वहिस्सतीति, अथ सो गोठाभयो सचे तेन सद्वहिस्सति अहवेत्थ सक्खिहुत्वा सहस्सं दापेस्सामि तयातु तत्थ एवं कत्तब्ब”न्ति पटिपज्जितब्बा करं उपदिसित्वा एहिसप्पुरिस म्म सन्तिके म्बणतो हुत्वा उभयर्थलानं एकीकरणवसेन अज्जलिं कत्वा बाहुं पसारेहीति वत्वाउभोसु पस्सेसु नीलमज्जासमज्जानं नालिनं उजुभावापादनेन कण्ठनाळं सम्मा ठपेत्वा सलिलपरिस्सावन्ने सीससण्णिं जल लेखाय परिच्छण्णित्वा सकेन दक्खिण हत्थमुट्ठिना चुलाबद्धं दळ्हं गण्हित्वा याव मम सीरं आदाय अद्धिकं पुरिसस्स हत्थे समप्पेमि ताव मम चित्तकिरिय वायो धातुवेगो अविच्छिन्नो पवत्ततूति अधिट्ठाय चुळाबद्धं उद्धाभिमुखं उक्खिपि । तावदेव सीसबण्णो पुथुभूतो हुत्वा तेन दक्खिण हत्थ मुट्ठिनागहितोयेव पग्घरन्तिया लोहितधाराय सद्धि अद्धिकस्सहत्थताले पतिट्ठासि, तस्मिंयेव खणे वनाधिवत्था देवता साधुवादमुखरा पुप्फवस्सं वस्सापेत्वा सीसस्स आरक्खं गण्हिंसु ।

९६. संसत्तरत्त कलले द्दिकपाणिखेत्तेत,
निक्खित्त सीस वरबीज समुब्भवाय ।
एतस्स दानमय पारमितालताय,
सब्बज्जुता फलरसो जनतं धिनोतुं ॥

९७. अथ सो अद्धिकपुरिसो सुगण्धवन कुसुम मालाहि तं सीसं अलंकरित्वा पुगकुहुलिकापुटे पक्खिपित्वा सीघगति वेगेन अनुराधपुरं गन्त्वा गोठाभयस्स दस्सेसि, सो तं दिस्वा सज्जनिनु मसक्कोन्तो संसयप्पत्तो अट्ठासि । अथ अद्धिकपुरिसो रज्जा वुत्तविधि मनुस्सरन्तो तं सीसं गहेत्वा आकासे खिपित्वा “सामि! सिरिसङ्गबोधिमहाराज! त्व मेत्थ मे सक्खिभवा”ति अज्जलिम्पगहेत्वा आकास मुट्ठिक्खमानो याचि, अथ तं देवताधिग्गहितं सीसं निरालम्बे अम्बरे लद्ध पतिट्ठं गोठाभयस्स अभिमुखं हुत्वा ।

९८. राजा हमेव सुहदो सिरिसङ्गबोधि,
सीसप्पदान विधिनास्मि समिद्धिचित्तो ।
त्वं चासि रज्ज सिरिलाभ सुखेन देव,
एसोव होतु पटिपन्न सहस्सलाभो”ति आह ॥

९९. तं सुत्वा गोठाभयो सामच्चो विम्भीतहृदयो सीहासनं सज्जेत्वा उपरि सेतच्छत्तं कारेत्वा इध देव! ओतराति याचित्वा तत्थ ओतिण्णं तं सीसं नानाविधाहि पूजाहि आराधेत्वा नमस्समानो खमापेत्वा महता महेन आळाहनकिच्चं कारेत्वा अडिकं कहापणसहस्सेन तोसेत्वा उय्योजेसि ।

इति अज्झत्तिकदान परिच्छेदो अट्टमो ।

१००. सिरिसङ्खबोधि रज्जो महेसी पन रज्जो पलातभावं जत्वा “अहञ्च तं अनुब्बजामि”ति अज्जतर वेसेन दक्खिणद्वारेन निक्खमित्वा मग्गं अजानन्नि उज्जुमग्गं पहाय तं तं गामं पविसित्वा सामिकं अपस्सन्ती भयेन सालिन्ताय च पच्छित्तुम्पि असहमाना मलय देस मेव गतोति चिन्तेत्वा वड्ढमग्गेन गच्छन्ती कोमलताय सीधं गन्तुमसक्कोन्ति कालं यापेत्वा तस्स अरज्जायतनस्स समीपगामस्मिं रज्जोसिसदानप्पवत्तिं सुत्वा “सा हं वराकी दस्सनमत्तम्पि नालत्थ”न्ति सोक परिपुण्णहदया तमेव वनसण्डं अधिरुह्य भत्तुनो कलेबरं विचिनन्ती समीपगामेसु महजनं पुच्छन्ति अवन्दिनसङ्किटतत्ता तत्थ तत्थ विचरन्ती समीपगामवासिनो बालका गोपालका कट्टभारिका इत्थियो च एतिस्सा विलापं सुत्वा कम्पित हदया ताय सङ्घिं विचरन्ती । सा एवं चिलूपमाना भीमियं सुपुप्फितं विमलवालुकं वनगुम्बं दिस्वा तत्थ निपतित्वा भूमियं परिवन्तमाना अतिकरुणं विलापमकासि, सो पदेसो अज्जापि विधवाचन”न्ति वोहारीयति ।

१०१. सा महता रोदन्ते रोदनेन तंरत्तितं त्थेव खेपेत्वा पुन दिवसे इतो चितो च विचरन्ति महता सोकग्गिना ड्हमाना सन्तापं अधिवासेतुं असक्कोन्ति एकस्मिं खुद्दक जलासये निपतित्वा निमुग्गंयेव मुच्छावेगेन द्वे तयो मुहुत्ते अतिवाहेत्वा उपलद्धपटिबोधा परिळाहं निब्बापेसि, तं ठानमेतरहि च “निब्बाण पोक्खरणी”ति च समज्जं अलभि ।

१०२. ततो उट्ठित्वा अनुभूमिं अनुरुक्खं अनुसिला तलं गवेसमाना सोण्डि समीपे सयमानं देवताधिग्गहेन सिगालादीहअनुपहतं सुक्खं कवण्ठरूपं दिस्वा सोकवेग फलिपतनेव हदयेन दळ्हतरं तं अलिंगित्वा सयि, ताव भोने वेकल्लेन दुरागमनेन तत्थ तत्थ निपतित सरीर घातेन च निलन्त रूपा मुच्छा समकालमेव कालमकासि ।

१०३. समीपगाम वासिनो सन्निपतित्वा मुद्धाभि सित्तस्स रज्जो च महेसिया च सरीरं अम्हादिसेहि फुसितुज्ज न योगं, वत्तमानस्स रज्जो अनिवेदयित्वा आळाहन किच्चं कातुम्पि न युत्तन्ति सम्मनेतत्वा वस्सातप निवारणाय कुटिं कत्वा तिरच्छानप्पवेसनिसेधाय वतिज्ज कत्वा पक्कमिंसु ।

१०४. गोठाभयो सिरिसङ्खबोधिराजस्स अनज्ज साधारण गुणप्पवण्ठं अनुस्सरन्तो दहरकालतो पट्टाय वत्थुत्तय सरणपरायणतं निच्चं सीलरक्खणं सुगतागम विचिक्खणत्तं सकलकलाकोसल्लं रज्जे अनत्थिकतं दानसोण्ड तं रक्खसदमनादिकं दुक्करचरितकज्ज तस्स नाम सचेतनस्स न पितिमावहति विसेसतो “अद्धिकदुग्गतस्स सहस्स लाभाय सहत्थेन सीसं कण्ठनालतो उद्धरित्वा दानं सीसस्सापि निरालम्बे आकासे अवट्टानं व्यत्ततराय गिराय साधिप्पायज्जेतं निवेदनज्जेति अच्छरियं अब्भुतं अधिट्टपुब्बं अस्सुत पुब्बज्ज निम्मलचरितं मम महापराधकलङ्कि के नेव सङ्घि चिरकालं पवत्तीस्सति, अहो अहं सुचिरट्टायिना ईदिसेन अकित्तीसद्देन साधुहि निण्दनियो भविस्सामि विसेसतो पन निच्चकालं कल्याण मित्तभूतस्स ईदिसस्स महानुभावस्स अनपरेधस्स महापुरिसस्स रज्जं अच्छिण्दित्वा वधं कारेसिं अज्जदत्थु मित्तदुभिकम्मेन अहं पळिवेठितो भविस्सामि”ति चिन्तेत्तोयेव भयसन्ता पेहि निक्खन्त सेदो पवेधमानो कथमिदिसा महापापा मोचेस्सामीति उप परिक्खी ।

१०५. अथ तस्स दण्डकम्मस्स करणवसेन उळारं तरं कुसलकम्मं कातब्बन्ति पटिभायि । अथ सो अमच्चे सन्निपातेत्वा तेहि सङ्घिं सम्मन्तेत्वा कत निच्चयो महा सङ्घेनेव तथेव अनुसिट्ठो महता बलकायेन सङ्घिं गन्त्वा तस्स अरज्जायतनस्स अविदूरे सेनासन्निवेसं कारेत्वा तस्स महापुरिसस्स दुक्करपदान सक्खीभूतं पुज्जट्टानं सयमेव गन्त्वा सोण्डिका समीपे अनुरूपट्टानं सल्लक्खेत्वा अत्तनो राजानुभावं दस्सेन्तो आळाहनट्टानं देवनगरमिव अलङ्कारापेत्वा

केवलेहि महन्तेहि चण्डनदारुहि उच्चतरं चितकं कारेत्वा भारेन पमाणेन च रज्जो सीससदिसं जम्बोनदकनकेहि सकण्ठ नाळं सीसाकारं सिप्पिहि कारेत्वा कवण्ठरूपे सङ्घटित्वा विविध रतन समुज्जलं सुवण्णकिरीटं पिलण्णपेत्वा महेसिञ्च तथेव अलंकरित्वा ते उभोपि काधिकवत्थसदिसेहि महग्घ दुकुलेहि अच्छादेत्वा अनेकरतनखचितं सुवण्णसयनं आरोपेत्वा चण्डन चितकमत्थके ठपेत्वा परिसुद्धजोति पावकं जालेत्वा अनेक खत्तियकुमारपरिवारितो सयमेव तत्थ ठत्वा अनेकसप्पिघटसतेहि सिञ्चित्वा आळाहन महस्सवं कारेसि ।

१०६. तथेव दूतिय दिवसेपि महता जणेन आळाहनं निब्बापेत्वा तस्मिं ठने चेतिय भवनं वट्टुलाकारेतुं वट्टतीति चिन्तेत्वा अमच्चे आमन्तेत्वा एतरहि अनेकभूमिकं अतिविसालं कनकमय वट्टुलघरं कारेतुं सकता आयति परिहारकानं अभावेन नप्पवत्तति रट्टुविलेपकापि सुवण्णलोभेन नासेन्ति तस्मा अलोहनीयं सुखपरिहारारहं पमाणयुत्तं वट्टुलघरञ्च चेतियञ्च नचिरस्सेव कातुं युत्तन्ति मन्तेत्वा महाबलकायं नियोजेत्वा वुत्तनियामेनेव द्विभुमकं वट्टुल भवनं निम्मापेत्वा तस्स अब्भन्तरे सुगतधातुनिधानं पूजनीयं चेतियञ्च कारापेत्वा महस्सदिवसे महासङ्घस्स तं दस्सेत्वा “एसो भन्ते सिरिसङ्घबोधि महाराजा पुब्बे एकच्छत्तेन लङ्कातले रज्जं कारेसि, इदानी मया तस्स रज्जो चेतियरूपस्स कित्तिमय सरीरस्स छत्ताधिछत्तं विय द्विभुमकं वट्टुलविमानं कारेत्वा चेतियसीसे किरीटं विय कनकमयं थूपिकञ्च योजेत्वा सब्बेहि देवमनुस्सेहि मान नीयतं चण्डनीयतं पापितो”ति वत्वा चेतियघरस्स अनेकानि गामक्खेत्तानि परोसहस्सं परिवारजनंच नियादेत्वा पब्बतपादे अनेकसतपासाद परिवेणचङ्कमन रत्तिट्ठान दिवाट्ठान धम्मसालागोपुरपाकारादि अवयवसहिते विविधे सङ्घारामे कारेत्वा तत्थ वसन्तस्स अनेकानि सहस्सस्स भिक्खुसङ्घस्स निच्चं पच्चयलाभाय अनेकानि सपरिजनानि गामक्खेत्तानि दत्वा “महा लेखरट्टस्स समुस्सितधजायमानो अयं महाविहारोलङ्का भूमिसामिकानं खत्तिय जनानं कुलधनभूतो सब्बेहि खत्तियेहि अपरिहापनिय विभवो निच्चं पालनीयो”ति महाजनकायस्स मज्झे खत्तिय कुमारानं आदिसित्वा अनुरुधपुरं गतोपि तस्से च पापकम्मस्स निराकरनाय तेसु तेसु विहारेसु महन्तानि पुञ्जकम्मानि कारोपेसि, ततोप्पभूति लङ्काधिपच्चामुपगते हि खत्तियेहि महा मच्चादीहि च सो हत्थवनगल्लमहाविहारो अन्तरत्तरा पटिसङ्घरीयमानो अपरिहीन परिहारो पवत्ततकि ।

इति वट्टुलविमानुप्पत्ति परिच्छेदो नवमो ।

१०७. अथापरेन समयेन कदाचि कस्मिं विहारे निवसतो महा भिक्खुसङ्घस्स अन्तरे केचि महाथेरो अम्भोकासिको हुत्वा अन्तोविहारे एकस्मिं पदेसे निसिदित्वा भावनमनुयुजन्तो विपस्सनं वट्टेत्वा महामेदनिया निग्घोसेन आकासं पूरेन्तो अरहत्तं पापुणि ।

१०८. तदा उपतिस्सो नाम राजा रज्जं कारेन्तो निसीथसमये भयावहं तं पथविसदं सुत्वा किं वा मेभविस्सतिति सन्तापेन निदं अलभमानो सोकेन सन्तप्पेति, अथ तं सेतच्छत्ता धिवत्था देवता “महायि महाराज! इतो कारणाकिद्विते अवमङ्गलं नत्थि हत्थवनगल्लमहाविहारे केचि महाथेरो अरहत्तं पापुणी”ति आह, तस्स अरहत्तप्पत्तिकाले पथविनिग्गोसस्स कारणं किंतु वुत्ते सो थेरो पुब्बे पुञ्जकम्मं करेन्तो आकासेन सद्धिं पथविं उन्नादेत्वा अरहा भवेय्यन्ति पत्थनं ठपेसि तस्स फलमिदन्ति समस्सासेसि ।

१०९. तं सुत्वा राजा अवसेसभिक्खूनं अरहत्थप्पत्तितो विसिद्धतरो तस्स किलेसविजयोति पसन्नहृदयो तं महाथेरं नमस्सित्वा तस्स असवक्खयस्स महस्सवे आसनभूतं भुमिप्पदेसद्व पासादकरणवसेन सम्मानिस्सामीति चिन्तेत्वा महाबलकायमादाय तत्थ गन्त्वा तस्मिं पदेसे पञ्चभूमकं महापासं कारेत्वा विविध चित्तकम्मेहि समलङ्कारापेत्वा कनक

खचित तम्बमय पत्थरेहि छादेत्वा देवविमानं विय सज्जेत्वा तं खीणासव महातेरं सभिक्षुसङ्घं तत्थ वासेत्वा चतूहि पच्चयेहि उपट्ठापेत्वा सपरिजनाति गामक्खेत्तानि पासादसन्निकानि कत्वा पक्कामि ।

११०. ततो दीघस्स अद्भुनो अच्चयेन मलयदेसवासिनो केचि चोरा एकतो हुत्वा गामविलोपं कत्वा महन्तेन धनलाभेनमत्ता धनं दत्वा बलकायं उप्पादेत्वा येभ्य्ये सेरिनो हुत्वा महन्त महन्ते विहारेव विलुम्पन्ना सुवण्णपत्थरच्छदनं गणहन्ता महापासादं विद्धंसित्वा पातयिंसु ।

१११. तदा मोग्गल्लानो नाम राजा रज्जं कारेन्तो तं पवत्तिं सुत्वा तेसं सन्निके चरे पसेत्वा दानसामभेदेहि अज्जमज्जं भिण्दि, ते चोरा भिण्दन्ता इतरेतरेहि युज्झित्वा सयमेव दुब्बला अहेसुं, अथसो राजा ते असमग्गे जत्वा अत्तनो सेनं गहेत्वा तत्थ गन्त्वा ते विसुं विसुं गहेत्वा निग्गय्ह रट्ठे अभयभेरिं चरापेत्वा जनपदं सुप्पतिट्ठितं कत्वा तेहि अपविद्धविहारे पाकतिके कारेत्वा महापासादं सुवण्ण गणहनकाले पातेसुं ती सुत्वा “पुब्बेविय सुवण्णपत्थरेहि छादितो पच्छापि ईदिसि विपत्तिजायिस्सती”ति जत्वा तेभूमकं कारेत्वा यथापुरे पासादं निम्मापेत्वा मत्तिका पत्थरेहि छादेत्वा वट्टुलभवनं पटिसंखारेत्वा सब्बसङ्घारामज्ज पाकतिकं कारेत्वा पक्कामि ।

इति पासादुप्पत्ति परिच्छेदो दसमो ।

११२. अथ लङ्कालङ्कारभूतेसु विसालपुज्जिद्धिविक्कमेसु रतनत्तयमामकेसु अनेकेसु लङ्कानाथेसु कित्तिपुज्जावसेसेसु जातेसु अपेतनीतिमग्गेसु रज्जपरिपानोचितविधानविरहितेसु मुदुभूकेस्वेवामच्चजनेसुच येभ्य्येन अज्जमज्जं विरुद्धेसु वत्तमानेसु लङ्कावासीनं पुराकतेन केनापि दारुणेन पापकम्मुना नानादेसवासिनी अविदितसत्थुसमया पविट्ठमिच्छादिठिगहणा पच्चत्थिसेना जम्बुदीपा इधागम्म सकललङ्कादीपं अनेकातङ्क सङ्कुलमकासि ।

११३. तदाताय पच्चत्थिसेनाय गाल्हतरं निप्पिळियमाना राज राज महामत्तादयो अनेकसहस्सजनकाया च भयवकितहदयासकताण गवेसिनो जड्ढितगामनिगमनगरा तत्थ तत्थ गरिदुग्गादो किच्छेन वासं कप्पेसुं ततो सुगतदसनधातुरक्खाधिकता उत्तरमूळवायिनो महायतयो दन्तधातुद्व पत्तधातुवरद्व गहेत्वा कुन्नमलयाभिधानं गिरिदुग्गं दुप्पवेसंजनपदमुपागम्म तत्थापि तम्पटिजगितुमसमत्था भूमियं निदभित्वा यथाकामं गता ।

११४. ततो पुब्बे जयमहाबोधिदुमिण्देन सह सकलजम्बुदीपाधिपतिना दिनकरकुलतिलकेन धम्मासोकनरिण्देन पेसितानं अत्तना समान गोत्तानं राजपुत्तानं नत्तपन्नतादिपरम्परागतस्स विजयमल्लनराधिपस्स ओरसपुत्तो विजयबाहु नरिण्दा नाम राजा सुचिज्जातब्बसमयन्तरो सत्तसमाचिण्ण सुनीतिपथो सम्पन्नबलवाहनो जम्बुद्वीपिणं नाम पुरवरंमापेत्वा तत्थ वसन्तो महता बलकायेन कतसकलपच्चत्थिविजयोकुन्त मलयभूमिप्पदेसतो भगवतो दन्तधातुभट्टारकं पत्तधातुवरज्ज आहारापेत्वा सुरसन्दनसदिसमतिविरोचमानं विमानं मापेत्वा तस्मिं तं धातुयुगळं निवेसेत्वा महता उपहारविधाना सादरमुपट्टहन्तो भगवतो चतुरासीतिधम्मक्खण्धने महन्तं प्रज्जापदानं जनयन्तो धम्मिकसिरिसङ्घबोधिमहाराजसिरोदानापदानसिद्धक खत्तभुते अनेकखीणासवसहस्स चरणरजोपरिपूतमनोहरभूमिभागे गोठाभयमहाराजेन कारिते हत्थवनगल्लमहाविहारमण्डनायमाने वट्टुलविमानेपुरा रट्ठ विलोपागताय चोलके रळादिकाय तित्थियसेनायमहाचेतियं उदरे भिन्नमत्ते जीविते विय धातुभट्टारके अन्तरहिते हृदयवत्थुमंसमीव सुवण्णरन्तादिकम पहरित्वा विद्धस्तं पिण्णुधारविधीना पटिसंवरोन्तो पुप्फाधानत्त यतो पट्टाय सक्कच्चं विनापेत्वा महन्तं सुवण्ण थूपिकामभद्र कारेत्वा सपरिजनानि गामक्खेत्तादीनि च दत्वा तत्थ निवसन्तानं भिक्षून् निबद्धदानवट्टं पट्टपेत्वा तं हत्थवनगल्ल महा

विहारं सब्बथा समिद्धमकासि ।

११५. अथ तस्मिं लङ्कानाथे कित्तिसरीरावसेसे जाते तस्स तुजवरो परक्कमभुजो नामराजा अम्हाकं भगवतो अरहतो सम्मासम्बुद्धस्स बोधिमूले निसीदित्वा मारबलं विधमेत्वा सम्बोधिरज्जप्पत्तितो पट्ठाय अट्टसताधिकवस्ससहस्से चतुवीसतिया च वच्छरेसु अतिक्कन्तेसु सम्पत्तरज्जाभिसेको अनेकविधसङ्गहवत्थुहि सङ्गहितमहाजनो चतुपच्चयदानेन सततसमाराधिता नेकसहस्सभिक्षुसङ्घो भुजबलविधुतारातिराजकुलावलेपो अनेक मणि रत्तसमुब्भासितरतनकरण्डकञ्च पञ्चहि सुवण्णसहस्सेहि सोवण्णकरण्डकञ्च पञ्चवीसतिया रजतसहस्सेहि रजतकण्डकञ्च दाठाधातुभदन्तस्स कारापेत्वा अतीच पसन्नहदयो सुहुमुत्तेन तत्थ सम्पयन्तो अत्तनोनगरञ्च धन्तधातुमण्डिरञ्च सक्कञ्चं समलङ्कारापेत्वा बहुमान पुरस्सरोदसनधातुवरमादाय अनेकानि भगवतो चरियापदानानी समनुस्सरित्वा पुरा नेकभुपतयो पाटिहीरसण्डस्सनेन पसादिता इति पवत्तकथामतरसेनेव मे सवनयुगळं परिपीनितमधुनापि केनचि पाटिहारियविसेसेन मम चक्खुपटिलाभो सफलो कातब्बोति सादरमाराधनमकासि ।

११६. तस्मिं खणे सा दसनधातु तस्स करपडकजे राजहंसिविलासमातन्वती पाटिहीरमकासि । कथन्ति चे? यथा अन्तिमभवे मातु तुच्छितो जातमत्तोव बोधिसत्तो नरवरकरतोपनीतदुकुलचुम्बटकतो ओतरन्तोव बालो समानोपि सोळसवस्सुहेसिको विय अमण्डितोपि अनेकवत्थाभरणविभुसितो विय भूमिया गच्छन्तोपि आकासेन गच्छन्तो विय सब्बेसं जनानं पटिहासि, तथेव तत्थ तदा दन्तधातुभट्टारको सुगबिम्बा कार सलक्खणावयवेन रूपेण भासमानो अनेकविधरंसिनिकरे विकिरन्तो तत्थ सन्तिपतितानं जनानं माननं जानेसि । वुत्तञ्हि ।

११७. “लङ्काधिनाथकरपङ्कज राजहंसि,
निम्माय सा दसनधातु मुनिण्डरूपं ।
नेकेहि रंसिविसरेहि समुज्जलन्ती,
सब्बादिसा च विदिसा समलङ्करित्थ ॥

११८. दिस्वा तमब्भूतमतीच पसन्नचित्तो,
सम्पत्तचक्करतनो विय चक्कवत्ति ।
सेट्टेहि नेकरतनाभरणादिकेहि,
पूजेसि धातुमसमं मनुजाधिनाथो ॥

११९. ततो जिनदन्तधातुवरप्पसादकालम्हि तेजोबलपरक्कममहिमो परक्कमबाहुमहानरिण्दो पुलत्थिपुरनिवासिनिं कतलोक सासनविलोपं सराजिकमनेकसहस्ससंख चोलकेरळवाहिनिच नेकदेसमहिपालमत्तमातङ्गकेसरिविक्कमं दुरतिक्कमं लोकसासनसङ्गहकरणवसेन वचितसकललोकं सम्पन्नबलवाहनं लङ्कारज्जगहणत्थिनं तम्बलिङ्गविसयागतमतिसाहसं वण्डभानुमनुजाधिपंव ससामन्तकभवनमुपनीय सकल लङ्कादीपमेकच्छत्तंविधाय अत्तनोपितुमहाराजतो दिगुणलोकसासनसङ्गहं करोन्तो कदाचि सङ्घस्स कठिनचीवरानिदातुकामो कप्पासपरिकम्मकन्तनादिकानि सब्बकरणीयानि एकाहेनेव नट्टपेत्वा पच्चेकमनेकमहग्घ गरुभण्डमण्डितानि ससामणिकपरिक्खारानि असीतिमत्तानि कठिनचीवरानि दापेत्वा लोकस्स साधुवादेन दसदिसं पूरेसि ।

१२०. एवमज्जानिपि बहूनि लोकविम्भयकरानि पुज्जपदानानि सम्पादेन्तो सो परक्कमबाहुमहानरिण्दो हत्थवनगल्ल

विहारे अत्तनो पितुमहारज्जो आळाहनट्टाने महाचेतियं बण्धापेत्वा तत्थेव अणेकखीणासवसहस्सपरिभुत्तं पासादवरं चिरकाल चिनट्ठं सुत्वा धनुकेतकिवत्थुवंसे जातं सद्धादिगुणसम्पत्ति समुदितं पतिराजदेव नामकं अमच्चवरं पेसेत्वा तेन अनेकसहस्सधनपरिच्चागेन भुमित्तितयमण्डितं सुमनोभरं पुरे पियतं पासादं कारापेत्वा तत्थ निवसन्तानं अनेकसं भिक्खुनं निबद्ध पच्चयदानं पवत्तेसि ।

१२१. तत्थेव वट्टुलविमानस्स हेट्ठिमतले गोपानसियो ठपेत्वा समन्ता छदनरूपं कारेत्वा द्विभूमकं विमानं तिभूमकमकासि तत्थेवलङ्कादीपे अभूतपुब्बं जिनमण्डिरं कारापेतुकामो वट्टुलविमानतो उत्तरदिसाभागे पठमं पोरिसप्पमाणं सिलातलपरियन्तं खणित्वा पंसूनि अपनेत्वा नदीवालुकाहि पूरेत्वा कुञ्जरराजविराजितआधारबण्धकतो पट्टाय याव फुपिकं अट्ठंसविभागेन भित्तिच्छदनानि विभक्तानि कत्वा पच्चेकं नानावण्णविचित्तानमट्ठविधानं भित्तीभागानमुपरि केलिपरिहासरसजनकनानावेसविलासभूसितपहूतभूतकिंकरपरिगतविट्ठकमण्डलमण्डितं पमुखपरियन्ते विविधचित्तरूपमनोहरमुच्चतरं इट्ठिकाहि निवितं कतसुधापरिकम्मं मकरतोरणमण्डलज्ज निम्मिनित्वा अन्तोविरचिताति मनोहरमालाकम्मलता कम्मादि नानाविध चित्तकम्म समुज्जलं सुविहितसोपानद्वारकवाटं समलङ्कितट्टानलीळमनोहर सजीवजिनसं कासपटिबिम्बरूपविभूसितं पटिबिम्बस्स दक्खिणतो घनसिलाविहित सुगतरूपपतिमण्डितं तिभूमकं महा विमानं कारेसि ।

इति अट्ठंस विमानुप्पत्तिपरिच्छेदो एकादसमो ।

१२२. विद्धस्तसंखरणतो नवकम्मुनावा,
 खेत्तादिदानविधिनाच अनागतेपि ।
 ये साधवो परिहरन्ति इमं विहारं,
 नामद्व कारम्पि तेसमिहालिखन्तु ॥